

GRAD
PL
6058.9
.L46
B86
1915
BUHR

PASCUAL DE LEON

Buntong Hininga

(M. ya Tulang Tagalog)

Tundo, Maynila.—1915.



BUNTONG HININGA

MGA TULANG TAGALOG

NI

PASCUAL DE LEON (*Pasleo*)

*Mánunulat sa páhayagang "Ang Mithi" ("El Ideal")
at kasapi sa "Aklatang Bayan"*

UNANG PAGKÁPALIMBÁG

Limbagan "LA FRATERNIDAD" Ilaya 672, Tundó



MAYNILA, K. P.—1915.

Aring tunay ng Kumatha

*Paguusigin ang alin mang
saling walang ganitong taták:*

*Ipagpaumanhín na ninyo ang kakulangán namin
ng mga pang-acento. Sa susunod na aklat ay magaganáp na namin ang boong kailangán sa ating wika.*

grad
40415533
FW16
5/22/01

PANGBUNĜAD



PANGBUNĜAD

*Pasleo: Pagdamutan ang
nakayang hãndog nᅡ kapatid
sa kapatid:*

*Tunay at ang mundó'y maginto't mamutya:
may dunong, may pilak, may ganda, may tuwa,
may puri, may lahi't may bahay... datapwa,
ang lalong maranᅡál sa ami'y: ang tula.*

*Ako'y hindi siláw sa ningning nᅡ ginto;
di takót sa dunong; di gulát sa tayo;
sa mutya'y di kimi't sa ganda'y di dunᅡo,
nᅡuni't sa dakilang tula'y: yukong-yuko.*

*Pano, sa ang tula sa isáng panulat
ay siyang lahat na: dunong, puri, pilak...
sa isáng makata ang tula'y: ilahát-lahát!...*

*Ayán si Pasleo: ayát ang namana
niyáng Diwa't Puso'y ipinababasa...
Lahát na'y naritó: apóy, tamís, gandá...*

Pedro Gatmaitan.

Maynila, Sept., 1915.



I.

BUNTONG HININÇA

BUNTONG HININGA...

Ako'y nagtataka! Aywan ko kung bakit
nagbabago yaring damdamin ko't isip,
ganyan na nãa yata sa silong nã langit
ang gawang mamuhay sa laot nã hapis.

Aywan ko kung bakit! Sa aki'y pumanaw
ang lahat nã tamis nitong kabuhayan,
sa aki'y nag-iba ang lahat nã kulay,
sa aki'y pag-api ang lahat nã bagay!...

Talaga nãa yatang balot nã hiwaga,
balot nã pangarap at pagdadalita
ang palad nã tao kung magkabisala!
Pawang agam-agam ang laman nã lupa...!

Walang kilos na di paghamak sa akin,
walang bagay na di anyaya nã lagim,
walang dulot na di sa aking paning'i'y
aninong malungkot nã mãa hilahil.

Aywan ko kung bakit nagbago ang lahat
sa kabuhayan ko't matimtimang palad;
Samantalang ako'y inaalapaap
ay masasabi kong: iLahat ay pangarap!...



¡HINAGPIS.....!

I.

Hindi ka na bago! Dati mo n̄g alam
ang hindi pag-imik kung naguulayaw;
ako'y pinipipi n̄g aking paggalang,
n̄g aking pagsuyong mataos, dalisay.

II.

Pinunit sa harap upang makilala
ang alab n̄g aking sinimpang pag-sinta,
diyan masusubok ang mithi ko't pita,
diyan masisinag ang luksang pag-asa.

III.

Wala ka n̄gang sala...! Ang kurus n̄g hirap
ay dapat matirik sa dusta kong palad!
Ako ang pulubing sa tinawag-tawag
ay lalong inapi... binigyang bagabag...!

IV.

Di ko akalaing ang langit n̄g puso
ay mangungulimlim... biglang maglalaho,
di ko akalaing sa likod n̄g samyo
n̄g m̄ga sampaga'y may lihim na suro...!

V.

Animo'y nagtikom sa gayong sandali
ang pintong maramot n̄g awa't luwalhati,
sa aki'y para nang ang kahilihiling
sinag n̄g ligaya'y lumubog, napawi...!

VI.

N̄gayo'y pamuli pang umaawit-awit
sa dilag mong kimkim, gandang maka-Langit,
kung may alinlangan sa taghoy, sa hibik,
ay maging saksi pa ang aking *hinagpis*.

¡DALAMHATI!...

I

Aninong malungkot noong kahirapan
ang buhay nã tao sa Sangsinukuban,
ang tuwa't ligaya'y hinihiram lamang
kaya't ulap waring dagling napaparam.

II

Ang mabuhay dito'y kapanġapanġanib
sa munting paghakbang ay silo nã sakit,
umiibig ka na nã buong pagibig
ay ayaw pang dinggin iay himalang langit!

III

Hindi ka tatamo nã bahagyang galak
kundi pa matulog at saka mangarap,
gayon man, kung minsa'y paos na nanawag
sa pagkakahimbing ang tinig nã hirap.

IV

Sa paminsanminsang, sa aking gunita
mãa pagsisisi yaong tumutudla.
Bakit pa lumaki't natutong humangã't
ang paghangã pala'y kapatid nã luha?



¡AKO...!

(... estoy enfermo y pálido
de tanto no dormir...

ACUÑA.)

Puso ko'y malungkot! Malungkot na tila
Ibong walang laya't lagas na sampaga,
Sa pasan-pasan kong mabigat na sala'y
Lason at patalim ang magpapabawa.

Ang ayos nã mundo ay isang kabaong,
Nagtayong kalansay ang puno nã kahoy,
Dila nã halimaw iyang mğa dahon
At sigaw nã api ang ingay nã alon.

¡Ano't ganito na ang pasan kong hirap!
¡Ano't ganito na ang aking pangarap!
Ang lahat nã bagay ay napatatawad,
¿Patawarin kaya ang imbi kong palad?

* Gabi-gabi ako'y hindi matahimik
Na parang sa aki'y mayroong nagagalit,
Ang pasan kong sala'y laging umuusig
Sa kabuhayan kong di man managinip.



¡ULAP...!

I

Sa aking pagdaing, sa aking pagtawag,
sa sinamo-samo nã dusta kong palad
ay palaging dilim at libinãang ulap
ang hangang sa nãayo'y nagiging katapat.

II.

Lahat na'y nabata nã aking pag-ibig,
lahat na'y nasukat nitong pagtitiis,
lahat na'y napasan sa silong nã Langit
maging ang parusang pagkalupit-lupit.

III.

Nagbago ang lahat! Subali't ang sagot
nã irog at buhay, sa aking pag-luhog
ay, sadyang hindi pa binabagong lubos,
waring inu-uri ang aking pag-irog...

IV.

Nãuni't kaylan kaya sa kanya'y papanaw
ang ulap nã isang wari'y alinlanãan?
at sa akin kaya'y kaylan mabubuksan
ang pintong may susing katumbas nã buhay.

V.

Ang nakakatulad nã aking pag-giliw
ay isang pulubing dumadaing-daing
na sa kanyang taghoy at pananalangin
ay walang maawang maglimos nã aliw!

VI.

Kanyang sinusubok ang aking pagsuyo,
kanyang tinatarok ang luha nã puso,
kanyang binabasa sa pamimintuho
yaong katunayan nã sinamo-samo.

VII.

Samantalang ako'y tumatawag-tawag,
lumuluha-luha sa gitna nã hirap,
ay walang kapiling maging sa pangarap
liban sa anino nã mğa bagabag.

VIII.

Ulap nã hinagpis, ulap ng parusa
ang nagpapasasang aking dinadama,
nãuni't kaylan kaya sa aking pagsinta'y
ang ulap na iya'y magiging ligaya.



!ANG LUHA NG HIBANG.....!

Ayun, tumatangis! Ayun, lumuluha't tumataghoy-taghoy na nakaaaawa.

Malasin ang hibang, ang sira ang diwa, ang taong nanangis sa gabing payapa na minsa'y maiyak, at minsa'y matuwa.

Malasin ang ayos n̄ kahabaghabag n̄ pusong dinusta n̄ kanyang pangarap; malasin ang luha, ang luha n̄ palad, ang luhang nagmula sa kanyang pagliyang na pinagkaitan n̄ tamis n̄ lingap.

Tuman̄gis na muli! At saka humibik na mandi'y puputok ang latok na dibdib; kanyang ipinukol ang mata sa langit kasabay ang sabing:—"¿Kailan pa sasapit ang mithing liyaga n̄ aking pag-ibig"?

!Oh! Diosa n̄ aking yaman n̄ pag-asa, ¿kailan mo tutubsin ang puso sa dusa? ¿kailan papalitan n̄ tunay na saya ang nagluluksa kong ulilang pagsinta na nananambitan...!"—at saka tumawa.

Ha! ha! ha! oh! irog! Aking paraluman, hangtungan n̄ aking buong kabuhayan! kung hinihiling mo'y tulang tula lamang

nṅ upang ang dusa'y minsang mabawasan,
naito't dinggin mo ang tula nṅ buhay.

"Halika! halika! Tangapin mo nṅayon
ang tula nṅ aking pusong lumalanṅoy;
basahing madali't dingging mahinahon
ang hibik nṅ bawa't talatang nanaghoy,
ang awit nṅ palad, ang sigaw, ang tutol.

"Oh! pusong maramot! Pusong mapang-api,
walang awang tala sa pagkaduhagi,
halika! ha! ha! ha! ang dilim nṅ gabi,
ang halík nṅ hanṅin ay pawa kong saksi
sa panunumpa kong kita'y kinakasi.

Halika't sinagin sa luha nṅ puso
ang kulay nṅ aking sinimpang pagsamo,
kalika't basahin sa pamimintuho
ang gintong panṅarap nṅ aking pagsuyo
na nananawagan hanggang masiphayo",

.....
.....
.....

Dito na natapos yaóng panambitan,
dito na naputol ang pananawagan
nṅ sira ang bait, nṅ ulól, nṅ hibang,
nṅ pusong ginahís at pinagkaitan
niyang luwalhating katumbas nṅ buhay.

iAnóng hrap pala nṅ gawang humibik
sa isang ayaw mang tumugo't makiníg!
iAnóng hrap pala nṅ gawang umibig
lalo't aapihín sa silong nṅ lanṅit
nṅ hiníhibikang pinapanaginip.....!

¡KURUS AT LIBIÑAN..!

(PAMAMANGLAW)

(Irog: Kung ang kalungkutan ko'y tinutugon n̄g iyong damdamin ay pamuli't muling basahin mo lamang ang awit na ito. At ako'y talagang may ugali na *matapang* sa likod, at *duwag* sa harap.)

I.

Narito't malasin itong kalagayan
At tutop ang noó sa kapighatian,
Aking binabakas yaong kasayahang
Nasulat sa dahon nitong kabuhayan.

II.

Hindi makakatkat ang m̄ga talata
Na tikóm sa guhit n̄g m̄ga biyaya,
At kung mayroon pang tagistis n̄g luha
Ay luhang nanggaling sa pagkariwara.

III.

Sa aking kalupi, sa aklat n̄g palad
Ay may m̄ga bagay na nan̄gasusulat,
Diyan makikita ang mukhang may hirap
At pusong malaong lunod sa pan̄garap.

IV.

Diyan mamamalas ang isang larawang
Sipi sa ulila't payapang libiñgan,
Diyan makikita ang dusta kong buhay
Na sawang-sawa na sa kawáy ng hukay.

V.

Hindi ko matalos itong nangyayari't
Ang namamalas ko'y dilim na parati,
Bulo sa pagsuyo, bigo sa pagkasi,
Kurus sa baunan ng naduduhagi.

VI.

Sa pinto ng puso'y nanawag na lagi
Ang tinig ng dusang nakaaaglahi,
Parang nananadyang sa aki'y bumati
Ang labi ng hirap, tinik, dalamhati.

VII.

Nais kong umibig. Nguni't natatakot
Na ako'y umibig at saka lumuhog,
Pagka't nangangambang sa aki'y matapos
Ang lahat ng aliw nitong Sangsinukob.

VIII.

Wala nang parusang gaya ng tumanḡis
Sa harap ng isang hindi umiibig,

Wala nang parusang gaya n̄g tumitig
Sa sungit n̄g dilim n̄g gabing tahimik.

IX.

Sukat na sa akin ang ako'y magalak
Sa pamamangka ko sa ilog n̄g hrap,
Sukat nang masabing lagi kang pangarap,
At matitiis na ang pasang bagabag.

X.

Walang kailanḡang mamatay sa dusa
Huwag ang bawiin ang pagkikilala,
Aking katuwaan kung ikaw'y makita
Sa piling n̄g aliw na di magbabawa.

XI.

Aking matitiis na sarilihin ko
Ang lahat n̄g pait sa buhay na ito
Kahit ang magtimpi'y halik n̄g simbuyó
Huwag ang abuting ikaw pa'y magtampo.

XII.

Ipalalagay kong masayang aliwan
Ang namamalas kong kurus at libinḡan,
Sapagka't sa aki'y darating ang araw
At diyan uuwi ang hiram kong buhay.

XIII.

Di ko pinupukaw ang pagkamapalad
Niyang iyong buhay na bagong ninikat,
Ikaw ang bituwing takpan man ng ulap
Ay maghahari din ang ningning na ingat.

XIV.

Lamang ang hanġad kong iyong mapaglining.
Ay ang aking lungkot na di nagmamaliw,
Lungkot na aywan ko kung saan nanggaling
Kung sa mġa aklat ng isang paggiliw.

XV.

Matapos mabasa ang awit ng buhay
Ay limutin mo na ang aking kundiman,
Sapagka't ayokong mahawa kang tunay
Sa taglay kong lungkot at kapighatian.



KUNG AKO'Y SINO...

I.

Huwág nang itanong; iyong akalaing
akong naghahayag ng maraming lihim
ay isang binihag ng mga hilahil,
isang kaluluwang busabos ng lagim,
isang nangangarap sa ganda mong kimkim,
isang tumatangis, isang dumadaing,
isang nagaalay ng kanyang paggiliw,
isang umaasang hindi hahabagin.

II.

At kung ako'y sino? Sukat na sinta!
ako ang tutugon sa mithi mo't pita...
Ninana is mo bang ako'y makilala...?
Kung gayo'y makinig:—Akong sumasamba
sa iyong larawan sa tuwi-tuwina'y
pusong laging bihag ng hiras, ng dusa,
ako ang linikhang uhaw sa ginhawa't
may ulap na lagi ang aking pag-asa.

III.

At kung ako'y sino? Isang nangangarap
magtamong biyaya sa iyong paglingap...
Isang umaawit ng lihim at hayag,
isang kandong kandong ng mga bagabag,
isang nasasabik uminom, lumasap
sa saro ng buhay ng tuwa, ng galak,
isang binabayo ng mga pahirap,
isang umiibig sa iyó ng ganap.

Si Puring...!



Sabihin na ninyong ako'y nanangarap
ó nananaginip sa Sangmaliwanag
ay di babawiin itong pag-uulat
sa isang dalagang may magandang palad.

May tikas-bayani at tindig Sultana,
may hinhing kaagaw ng mga sampaga,
may samyong kundimang hindi magbabawa
datnan ma't panawan ng gabi't umaga.

Ang matáng katalo ng mayuming tala'y
sapat nang bumihis sa pusong naluha,
ang ngiting animo'y kaban ng biyaya'y
makaliligaya sa mga kawawa.

Si *José Vendido*'y subukang buhayi't
sa diwatang ito'y pilit na gigiliw,
paano'y may gandang batis ng tulain,
paano'y may yuming aklat ng damdamin.



¡NOON...!



Noon, ikaw'y aking minamalasmalas
sa pusod nṅ gayong tahimik na gubat,
ang iyong larawan noo'y nasisinag
sa linaw nṅ batis na awit nṅ palad.

Ikaw'y namimili nṅ batong mainam
at nilalaro mo ang mṅa halaman,
sa damdam ko бага'y ang bawa't hawakan
nṅ mṅa kamay mo'y nagtataglay buhay.

Yaong "makahiyang" mahinhi't mayumi
nṅ iyong hawaka'y hindi man nanṅimi,
paano'y may galing ang iyong daliri't
ang mṅa kamay mo'y banal, tanṅing tanṅi.

Sa puso'y tumubo ang isang paghanṅa,
naguhit sa pitak ang isang diwata,
aywan ko kung ikaw! At tila ikaw nṅa!
Subali't Mayumi, ikaw'y maaawa?

Magsabi ang aklat na iyong binasa
kundi ang buhay ko'y siniklot nṅ dusa,

magsabi ang gubat kung hindi natayang
ang tulog kong puso'y iyong binalisa.

Mayumi, buhayin ang yumaong araw
sa tabi ng batis at lilim ng parang,
kung magunita na'y dapat mong malamang
naririto akong tigib kalumbayan.



Bagong Taon...

Hindi ko matalos kung ang aking puso'y
Magbabagong taón sa pagkasiphayo,
Ako'y naririto't ikaw ay malayo
Na animo'y buwang sa aki'y nagtago.

Inaasahan ko nã buong pagasa
Na ikaw sa aki'y sadyang lumimot na,
Kung magkakagayo'y iyong makikita
Ang maputlang bangkay sa gitna nã dusa.

Ako, sakali mang iniwan sa hiras
Ay nagsasaya rin kahit sa pangarap,
Sapagka't nais ko na iyong mamalas
Na ako'y marunong magdalá nã palad.

At sa pagpasok nã nã bagong taon mo
Ay pawang ligaya ang hinahanḡad ko
Na iyong tamuhin sa buhay na ito
Kakit pangarap daw ang lahat sa mundo.



KUNDIMAN NG PUSO

i !

Pangalang sing-banĝo nĝ mĝa sampaga,
laman nĝ tulain, hamog sa umaga,
awitan nĝ ibong kahalihalina,
bulong nĝ batisang badha nĝ ligaya.

Sa aki'y sukat na ang ikaw'y mamalas,
upang magkadiwa ang aking panulat,
sa aki'y sukat na ang banĝo mong inĝat
upang ikabuhay nĝ imbi kong palad.

Ikaw ang may sala! Bulaang makata
ang hindi sa iyo'y mahibang na kusa,
bulaang damdamin ang di magtiwala
sa ganda mong iyan, nĝ lahat nĝ nasa.

Yamang ginulo mo ang aking isipan
at naging nĝiti ka sa aking kundiman,
bayaan mo nĝayong sa iyo'y ialay
ang buong palad kong tanĝing iyo lamang.

Napakatagal nang ikaw'y natatago
sa pitak nĝ aking lumuluhang puso,
ang iyong larawa'y talang walang labo
at siyang handugan nĝ aking pagsuyo.

Kung nagbabasa ka'y tapunan nĝ malay
ang kabuhayan kong walang kasayahan,
kung masasamid ka'y iyo nang asahan
na ikaw ang aking laging gunamgunam.

Sa paminsanminsa'y tapunan nĝ titig
ang isang makatang hibang sa pagibig,
bago ka mahiga'y tuminĝin sa lanĝit
at mababakas mong ako'y umaawit.

¡ALA-ALA....!

Huwág mong isiping kita'y linilimot,
huwag mong asahang ang aking pag-irog
ay wala't kupas na
sa kinkim mong ganda,
huwag, aking kasi. Walang pagkatapos
ang tibok nṅ pusong napabubusabos.

Ikaw'y nagmalaki! Ako'y di binati
at parang hindi na kakilalang tanṅi,
ganyan nṅang talaga
ang taong maganda,
mapagmalakihin sapagka't may uri
na lubhang mataas kay sa isang Hari.

Ako'y linimot mo. Kahit magkakita'y
hindi man nṅitian, gayong kakilala,
hindi ba't diwata
ikaw nitong diwa?

Hindi ba't batisan ikaw nṅ pag-asa
at ikaw'y may bangong sipi sa sampaga?

Tapunan nṅ malas ang masayang araw
na ako'y busabos niyang kagandahang
pumukaw na muli
sa aking kudyapi,
doo'y mababakas ang isang larawang
ako'y nakaluhod at nananambitan.

Iyan ang larawan n̄g isang makata
na uhaw na uhaw sa kimkim mong awa,
Iyan ang umawit
sa lahat n̄g sakit
na taglay n̄g pusong laging lumuluha
at sabik na sabik sa iyong kalinga.

Ngayo'y naririto't muling umaawit
ang iyong makatang inapi't hinapis,
habang inaapi'y
lalong lumalaki
sa dilag mong iyan, ang aking pag-ibig
pagka't ang puso ko'y singlawak n̄g langit.



Saksi...!

I.

Ikaw n̄ga'y dapat kong mahalini nang labis
at ukulang tan̄gi n̄g aking pagibig,
pagka't natunayang ikaw'y isang langit
na di dadalawin n̄g m̄ga panḡanib.

II.

Nananalig akong napakadalisay
n̄g iyong pag-ibig sa ating suyuan,
kaya't ang pūso ko'y nagpapakatibay
hanggang sa sumapit ang dakilang araw.

III.

Pagaaralan ko, hanggang makakaya
na ikaw'y malagak sa tuwa't ginhawa,
pagiin̄gatan kong huwag kang magdusa
kung na sa sa akin ang iyong ligaya.

IV.

Kaya't aking irog: Ikaw'y pumanatag;
at kung sakali mang tayo'y mabagabag
ay huwag magtaká sa Sangmaliwanag
pagka't ang langit ma'y nagaalapaap..!



Kundiman...!

Dalagang butihin: Huwag kang humanḡa
kung iyong makitang ang mata'y may luha,
ang kabuhayan ko'y hindi maapula
sa ikatatamo nḡ tanḡing biyaya.

Ang luha sa mata'y laging bumabalong,
ang aking damdamin ay linilingatong,
ang kulay nḡ madla'y malamlam na hapon,
ang ayos nḡ lahat ay parang kabaong.

Sa aking paghiga'y laging nakikita
ang iyong larawan, dakilang dalaga
ikaw'y maniwalang ako'y umaasa
na di aabutin ako nḡ umaga.

Kaya't kung sakaling ikaw'y may paglingap
kung may pagtingin ka sa imbi kong palad,
ay mangyari mo nḡang iligta sa hirap
ang kabuhayan kong sawa sa pangarap.



Ang iyong pangako

Sa iyo, Pitimini.

Bago ka umalis at naglakbay baya'y
may naging pangakong sa aki'y iniwan
pangakong sa aki'y naging bagong araw
na nikat sa gitna ng katanghalian,
paano'y pangakong sa katotohana'y
nagbukas ng pinto ng kaligayahan.

Ikaw'y napalayo. Ako'y ilinagak
sa langit ng isang masungit na palad
napatulad ako sa kimpal ng ulap
na walang bituwing magarang ninikat,
ang kabuhayan ko'y naging isang dagat
na di matatawid kahit sa pangarap.

Pinag-aralan kong lumanogoy sa sakit
at buong lakas ko ang siyang ginamit
ang iyong pangako sa aking panganib
ay siyang timbulang kawáy ng pagibig,
noon ko nalamang ang taglay kong hapis
ay di magbabawa't singlawak ng langit.

Pinagtiisan kong labanan ang aking
pasanpasang hirap at mga damdamin,
ang kawikaan ko'y ang gabing malalim
na napakasungit ay natatapos din.
Ang taglay kong dusa kung ako'y palarin
ay magiging sayang hindi magmamaliw.

Walang saglit na di ang iyong pangako
ang napapasulat sa aklat ng puso.
walang araw na di ang aking pagsuyo
ay sabik sa tuwang kapintupintuho
kaya't nangyayaring madalas maligo
itong aking palad sa luhang nunulo.

Isinulit mo pang sa iyong pagdating
ang iyong pangako'y sadyang tutuparin,
ang aking pagasang puyapos ng dilim
ay kinabakasan ng bahagyang aliw,
paano'y umasang iyong tutubusin
ang kurus ng buhay sa guhit ng libing.

Magmula na noo'y naging maliwanag
ang langit ng pusong nagaalapaap,
ang kurus na aking laging namamalas
sa mga libingan ng nangapahamak,
sa aking paningin ay naging watawat
na kulay lungtiang kapangapangarap!

Ikaw'y napabalik, at tayo'y nagkita!
ang lamang palagi nitong alaala'y
ang iyong pangakong hindi magbabawa
na ngayo'y ibig kong tuparin mo sana,
ngunit hinding hindi. Ang aking pagasa'y
iyong ipinako sa kurus ng dusa.

Sa ganyang paraa'y di kaya manglambot
ang kabuhayan kong puyapos ng lungkot?
At sa pagkabigo'y hindi ba himutok
ang sa damdamin ko'y minsang maglalagos?
Ang mukha ng araw ay biglang lumubog
sa likod ng isang mapanglaw na bundok.

Sulyapan mo ngayon itong kalagaya't
balisang balisa sa kapighatian,
at hanggang hindi mo binibigyang tibay
ang naging pangako sa dusta kong buhay
ang kaluluwa ko'y magiging larawan
ng nakalulumong kurus at libingan.



¡ANG REYNA ELENA.....!

Ayu't lunalakad. Magarang magarang
animo'y bituing nahulog sa lupa;
kung minsa'y nagiging hibang itong diwa
at kung magkaminsa'y para akong bata,
paano'y hindi ko masukat sa haka
ang nararapat kong ihaing paghanḡa.

Kung kita'y itulad sa dakilang araw
at ako ang lupa, ang lupang tuntunḡan,
ay masasabi mong ako'y walang galang
at ako ay bihag niyong gunam-gunam.
Subali't butihin! Ang aking tinuran
ay tibok at utos nḡ katotohanan.

Kung ikaw'y Reyna man sa ganda't ugali,
naman sa pangarap, ako'y isang Hari;
kaya't kung sabihi'y tala kang mayumi,
hamog sa umaga, bangong walang pawī,
ikaw ay manalig, manalig kang tanḡi
at ang nagsasabi'y nabatu-balani.

Hanggang tumataas iyang kalagayan
nama'y naiingit itong kapalaran,
ang gunitain ko ay baka mawalay
sa puso mo't diwa ang aking pangalan,
kung magkakagayon, irog ay asahang
sa aki'y babagsak ang Sangkatauhan.

Sa iyo'y bagay n̄ga yaong pagka-Reyna,
pagka't sa ayos mo'y isa kang Zenobia,
may puso kang Judith, may n̄giting Ofelia,
may diwang de Arco't may samyo kang Portia,
samantalang ako, akong umaasa'y
isa lamang kawal na lunód sa dusa.

Sa paminsan-minsa'y maanong kuruing
wala nang itagal ang aking damdamin,
kung magdaramot ka, Reyna kong butihin
at di mahahabag sa pagkahilahil
ay iyong asahang ang aking paggiliw
ay magkakalbaryong walang págmamaliw.



¡Huwag kang manganib...!

(SAGOT SA LIHAM MO)

I.

Maasahan mo ang aking pag-ibig,
ang buong buhay ko hanggang mayrong langit,
hanggang mayrong araw, tala, gubat, batis
ang iyong pangala'y laging na sa isip.

II.

Huwag kang manganib! Di ko malilimot
ang ganda mong iyang sipi sa kampuot,
ang bangô at tamis ng isang pag-irog
ay na sa sa iyo't hindi mauubos.

III.

Nang matunghayan ko ang padalang liham,
luha ko'y tumulo sa kapighatian,
paano'y gumuhit sa aking isipan
na: *ang tagumpáy ko'y iyong kamatayan.*

IV.

Di ko akalaing iyong ikahapis
ang pagtatagumpay ng ating pag-ibig,

ang m̃ga luha mo'y ulan ñg pasakit,
ang kalumbayan mo'y pagdilim ñg langit.

V.

Ang pagtiwala'y tibay ñg pagkasi,
timbulan ñg puso ñg naruruhagi,
panilo sa m̃ga tapat na lalaki,
pag-asa ñg palad na di mapuputi.

VI.

Huwag mong isiping ako'y magsasawa
sa ating suyuang busog sa biyaya,
ang iyong larawa'y laging na sa diwa't
ang iyong pangalan ay aking dambana.

VII.

Aking natunghayan sa padalang sulat
ang kalungkutan mo't sinisimpang hirap.
Kay hirap maghintay ñg masayang bukas!
Kay hirap sabikin ñg isang pangarap!

VIII.

Magtiis ka irog! Darating ang araw
na ikaw at ako ay magkakapisan,
ang ulap sa ati'y biglang mapaparam
at magliliwanag ang Sangkatauhan.

IX.

Huwag kang mangānib! Darating sa atin
ang isang sandaling batis ng paggiliw,
diyān matataya ang di magmamaliw
na aking paglingap sa pagkabutihin.

X.

At kung katunayan ng aking pag-ibig
ang hinihintay mong sa iyo'y isulit
ay narito akong gaya mong may hapis
at isinusumpa ang nunungong langit.



¡Lihim ng mga titig!...

Ibig kong hulaan sa silong nṅ Langit
ang lihim na saklaw niyang mṅa titig,
isang suliraning nagpapahiwatig,
nṅ maraming bagay, nṅ luha't pag-ibig.

Ako'y manghuhula sa bagay na iyan,
pagka't nababasa, sa hugis, sa galaw
nṅ mṅa titig mong halik nṅ kundiman
ang ibig sabihin at pita nṅ buhay.

Ikaw'y nagtatapon nang minsa'y pagsuyo,
minsa'y pang-aaba't minsa'y panibugho,
minsa'y paanyaya sa tibok nṅ puso
nang upang sumamba't sa iyo'y sumamo.

Ang mṅa titig mo'y may saklaw na lihim,
at maraming bagay ang ibig sabihin,
nṅuni't sa palad ko'y isang suliraning
nagkakahulugang ako'y ginigiliw.



¡CHOLENG...!

(Tanġing sinulat upang
ihandog sa kaarawan mo—
ika 13 nġ Nov.)

I.

Guhit nġ liwanag, kislap nġ ligaya,
talutot na ġinto nġ isang sampaga,
kalupi nġ buhay, hamog sa umaga,
Bathalang ang awa'y hindi magbabawa,
kaban nġ kundimang sa nanġunġulila'y
halik nġ biyaya't sugo nġ ginhawa,
timbulan nġ palad sa mġa parusa,
tinġ na mayumi nġ mahinhing maya.

II.

Larawang kalasag sa mġa pasakit,
tulay nġ lwalhating patunġo sa lanġit,
halamang magarang sa paligid-ligid
ay mġa bulaklak na kaakitakit,
bundok na palaging sa libis ay batis
na maiinuman nġ budhing malinis,
dagat na payapang katapat nġ lanġit
na minsa'y magbanġong kapanġapangġanib.

III.

Sultana nṅ Pasig, mahinhing Makiling,
sa ganda'y reyna nang dapat pangarapin,
isang Sinukuang anang salaysayi'y
babaing bumihag sa libong damdamin,
usok nṅ kamanyang na di magmamaliw,
Langit na masaya at Buwang butihin,
Olimpong mayaman sa mṅa awitin,
buhay na badhaan nṅ isang paggiliw.

IV.

Tahimik na langit na nanganganinag
ang lamang biyayang tugon sa pangarap,
mṅa kayamanang hindi natitinag,
sampagang sa bangō'y tulang walang kupas,
talang nagsasayang may mayuming sinag,
aklat na talaan nṅ aliw nṅ palad,
dahon nṅ kaluping yaong nasusulat
ay kadakilaan nṅ damdaming ingat.

V.

Tingkad nṅ pagasa, tuhog nṅ kampupot,
kudyapi nṅ palad, tamis nṅ pagirog,
watawat na sipi sa lalong matayog
na kaligayahang hindi mauubos,

haligi nṅ buhay na di matutupok
nṅ apoy nṅ samang dito'y nagsianod,
bathala nṅ gandang kung siyang magutos
sa matatakuti'y mawawalang takot.

VI.

Iyan ang si Choleng na sadyang mayumi't
laman nṅ panulat na kahilihili,
iyan ang larawang aking binabati
at isang dalagang hiyas nitong Lahi,
iyan ang diwatang ang paguugali'y
mayamang talaan nṅ sayá't lwalhati,
iyan ang sampagang ang samyo, ang uri'y
pawang kapalarang walang pagkapawi.

VII.

At nṅayo'y araw mo! Nṅuni't ano kaya
ang maiaalay sa isang himala?
Walang wala Choleng! Hindi mṅa tula,
ni hindi pangarap sa gitna nṅ tuwa,
kundi mṅa mithing: *buhay, lakás, tyaga*,
ang sa talaan mo ay mangapatala,
iyan ang mabuting kalasag na handa
upang sapitin mo ang inaadhika.

VIII.

Basahin pa Choleng sa aklat nã buhay
ang tingkad nã aking dalanging dalisay;
“Buhay mo’y maglayag sa kaligayahang
pangarap nã lahat sa Sangkatauhan.
Isang pagtatapat: Sa lupang ibabaw
ang palad nã madla ay isang digmaan,
ang iyong paglakad ay pakaingata’t
ang buhay nã tao’y panaginip lamang.



TINDING...

Magsabi ang Langit kundi ikaw'y talang
Nagbigay sa akin ng tuwa't biyaya,
Magsabi ang lahat kung hindi diwata
Ikaw ng lalo mang pihikang makata.

Ikaw'y maniwalang ang musmos kong puso'y
Natuto sa iyong humaga't sumamo,
Sisihin ang iyong dikit na nagturo
Sa kabuhayan ko, ng pamimintuho.

At sino sa iyo ang hindi hahanḡa?
Ikaw'y paralumang batis ng biyaya,
Pakpak ng pangarap at Reyna ng awa.

Ang dilim ng gabi sa aki'y natapos,
Ngumiti sa tangkay ang mḡa kampakpot,
Gayon ma'y narito't puso ko'y busabos.



Noo'y isang hapon...

— (Kay.....)

Noo'y isáng hapon! Ikaw'y nakadunğaw
At waring inip na sa lagay nğ araw,
Ang ayos mo noon ay nakalarawan
Sa puso kong itong tigib kalumbayan.

Anománg gawin ko'y hindi na mapawi
Ang naging anyo mong pagkayumi-yumi,
Itóng aking pusong nagdadalamhati'y
Tinuruan mo pang umibig na tanği!

Kung nang unang dako'y hindi ko nasabi
Sa iyo ang aking tunay na pagkasi
Ay pagka't ang aking puso ay napipi
Sa harap nğ dikit na kawiliwili.

Sa nğayo'y naritó at iyong busabos
Ang aking panulat at aking pag-irog;
Ang aking panitik: walang pagkapagod,
Ang aking pag-ibig: walang pagkatapos.

Kung pangarapin ko ang lamlam nğ araw
At naging anyo mo sa pagkakadunğaw
Ay minsang sumagi sa aking isipang
“¿Ikaw kaya'y aking magíng Paraluman?”

Daglian...

(Sa iyo rin...)

Kung sa iyong pag-iisá
O sa iyong pagbabasá
Ay may matutunghayan ka
Na tunay na sumisintá,
Yaón ay wala nang ibá
Kungdi akong nagbabatá.

Akin na n̄gang naiulat
sa iyo, ang aking palad,
N̄guni't ang aking panulat
Ay di makapagsisiwalat
N̄g *layon* ko at *pan̄garap*.
Kakambal ko kaya'y hirap?

Tinding: ikaw'y maniwala
Na ang aking puso't diwa
Sa iyo'y sangla kong pawa;
Ang puso ko'y humahan̄ga,
N̄guni't umíd itong dila,
Ito kaya'y malikmata?

Ang may pagsintang malabis
Ay umid at nahahapis,
Ligaya na n̄gang masilip
Yaong kanyang nilalan̄git,
¿Tubsin mo kaya sa sakit
Ang pagkasi kong malinis?

Unang damdamin!

(Sa iyo.....)

I.

Bathala n̄g ganda! Hindi kailan̄gang
sa aki'y magtaka sakaling alayan
n̄g paos na tinig n̄g aking kundiman,
pagka't alam mo nang diwata kang tunay.

II.

Ikaw ang pumukaw sa aking panulat
upang maawit ko ang yumi mong in̄gat,
ikaw ang sa aking kalupi n̄g palad
ay unang nagtitik n̄g isang pangarap.

III.

Ipagpatawad mong sa iyo'y sabihing
ikaw ang bathalang pumukaw sa akin,
ikaw ang nagbukas sa aking damdamin
n̄g lihim at unang pinto n̄g paggiliw.

IV.

Kundi kasalanan ang gawang tuman̄gis
ay ibilang mo nang kita'y iniibig
at kung ang luhog ko'y iyong ikagalit
ay ibibilang kong isang panaginip.

¡INFIERNO.....!

Tinatakhan mo ba ang aking pag-irog?
Dinaramdam mo ba ang aking paglimot?
Huwag kang mamangha't di mo masusubok
ang kadalisan ng aking pagluhog.

Sa aki'y di sukat ang mga babae,
sa aki'y di sukat ang iyong pagkasi,
ako'y inianak sa pagkaduhagi
kaya't magagawa ang minamabuti.

Ako'y malilimot kung siya mong nais
at pakasumpain sa silong ng langit,
ikaw'y may laya pang sa iba'y umibig
pagka't may ganda kang hiramang ng awit.

Subalit alaming... ikaw'y masasayang
kung mahihilig ka sa ibang kandungan,
sapagka't ang ating nangagdaang araw
ay di malalanta sa iyong isipan!

Ang lahat sa lupa'y iyong mahahamak
at maaari kang magbago ng palad,
nguni't susundan ka sa iyong paglakad
ng isang anino ng ating lumipas.

Iyong magagawa ang ako'y limutin
at matitiis ko ang pagkahilahil,

iyong mang isangla ang iyong paggiliw
sa ibang binata'y... di ko daramdamin!

Kung tunay mang *lanġit* ang iyong pagkasi'y
isang *Infierno* ring aking masasabi,
bihira sa mġa magandang babae
ang di salawaha't taksil sa lalaki.

Limutin mo ako kung siya mong nasa't
saka pa umibig sa ibang binata,
ang pagtataksil mo'y di ko iluluha
pagka't ang babae'y taong mahiwaga.

Ang paglilihim mo'y aking kamatayan,
ang ginagawa mo'y parusa nġ buhay,
kundi ka tutupad sa bilin ko't aral
ay ako'y walin na sa iyong isipan.

Di ko tinatakhan ang palad nġ tao
sapagka't ang lahat ay mayrong Kalbaryo
kung ang aking puso'y iyong *Paraiso*,
ang iyong pag-ibig ay aking *Infierno*.



¡Kamanyang...!

I.

Ang hapong malamalam ay naging tadhana
n̄g bagong panahon sa aklat n̄g diwa,
ang gabing madilim na di nagsasawa
sa pagmamaramot sa m̄ga biyaya
ay naging umagang sa aking akala'y
batbat n̄g bulaklak na lubhang sagana,
ang buwang mayuming ayaw magmagara
ay naging dalagang kaagaw n̄g tala.

II.

Ang m̄ga aliw-iw n̄g palalong tubig
sa kabuhayan ko'y naging m̄ga tinig
n̄g lalong mapalad sa silong n̄g langit,
ang kulay n̄g hirap na namimiyapis
ay biglang nagmaliw na-di ko malirip,
ang mundo kong batbat n̄g luha at sakit
ay naging mundo na n̄g Haring makisig
ó isang palasyong malayo sa hapis.

III.

Ang tikóm na labi n̄g m̄ga sampaga'y
namukad na bigla't naglabing ligaya,

ang dilim at ulap n̄g aking pagasa'y
naging bagong araw na di magbabawa,
ang kukó n̄g hirap at bangis n̄g dusa'y
naging m̄ga hamog sa dapit umaga,
ang guhit at ulos n̄g m̄ga parusa'y
naging m̄ga n̄giti n̄g bagong Ofelia.

IV.

Huwag kang magtaka, dalagang mayumi
sakaling sabihing sa aki'y napawi
ang tinik n̄g dusa't m̄ga dalamhati,
sapagka't sa n̄gayo'y aking napaglimi
na iyong pagsilang nang buong lwalkati
ang m̄ga nabagong nadama't nasuri,
ang m̄ga nakita't nabakas sa labi'y
tanda n̄g paghang'a't sa iyo'y pagbati.

V.

At n̄gayo'y araw mo! Darakilang araw
ang siyang sumaksi sa iyong pagsilang,
at yamang ganito'y aking katungkulang
ikaw ay suubin n̄g aking kundiman
bagama't alam kong ang awit n̄g buhay
ay awit n̄g m̄ga naaaping tuhay
bagama't talos kong ang "lira" kong tanga
ay hamak na "kurus" sa isang libingan.

VI.

Walang kailangan! At tila nãa dapat
na'ika'w batiin nã aking panulat:
Dakilang dalaga, ang Sangmaliwanag
ay busog sa silo at mãa bagabag,
tayo'y isinilang-upang makilamas
sa nãitnãit nã dilim at sigaw nã palad,
matapos batii'y iyong isahagap
na ang buhay natin ay isang pangarap.



Ang abaniko mo...

(*Sa isang bulaklak.*)

Parang isang pilas n̄g langit na bughaw
ang namamalas ko kung ikaw'y magpaypay,
parang isang "mundo ang pinagagalaw
n̄g napakaputi't nilalik mong kamay.

Iyan ang pamaymay na iyong ginamit
nang ako'y daran̄gin n̄g dila n̄g init,
diyan napasama ang patak n̄g pawis,
diyan napalipat ang pisn̄gi n̄g langit.

Anopa't sa aki'y naging malikmata
ang buhay kong iyong binigyang biyaya,
nalimot kong minsang ang tao sa lupa
ay may kamataya't sariling tadhana.

Ang sun̄git n̄g gabi, sa aki'y napawi
at bagong umaga ang siyang naghari,
ang damdam ko бага'y pawang nanaghili
sa akin ang m̄ga taong mapagsuri.

Subukang igawad ang Sangkatauhan
at hindi sasaya itong kabuhayan,
n̄guni't kung ang iyong "abanikong tan̄gan,
patay ma'y baban̄go't ikaw'y aawitan.

Sa aki'y sukat na ang ikaw'y mamalas
upang ang langit ko'y mawalan n̄g ulap,
ang iyong pamaypay kung siya mong hawak,
ako'y dinaraig n̄g m̄ga pangarap.

Kung ikaw'y umibig

(*Sa aking Reyna.*)

Huwag nang sabihing ang tanġing Julieta
nġ isang Romeo'y batis nġ ligaya,
huwag nang banggitin ang isang Ofelia't
hindi mapapantay sa irog kong Reyna.

Subukang buhayin ang lima mang Venus
at di maiinggit ako sa pagluhog,
tinatawanan ko si Marteng umirog
sa isang babaeng lumitaw sa agos.

Ang pulá nġ labi, ang puti nġ bisig,
ang kinis nġ noong wari'y walang hapis,
ang lahat nġ samyo sa silong nġ lanġit
ay isinangla mo kung ikaw'y umibig.

Ang lahat sa iyo'y kulay nġ ligaya,
ang lahat sa aki'y nġiti nġ sampaga,
kung magkakapisan ang ating pag-asa
ay magiging mundong walang bahid dusa.

Hindi mo pansin na ako'y lalaki,
hindi mo naisip na ikaw'y babae,
paano'y talagang kung ikaw'y kumasi
sa tapat na sinta'y nagpapakabuti.

Gabing maliwanag at batbat n̄g, tala,
maligayang Edeng bahay n̄g biyaya,
iyan ang larawang hindi magtitila
n̄g iyong pag-ibig sa balat n̄g lupa.

Ang buhay n̄g tao'y hindi panaginip,
ang mundo'y di mundo n̄g hirap at sakit,
aking mapapasan ang bigat n̄g langit
kung sasabihin kong: *Kung ikaw'y umibig.*

Tag-ulan...

May nanḡagsasabing masama ang ulan,
may nanḡagagalit sa lusak na daan,
ako ang tanunḡi't... aking isasaysay
na ang tanḡing *gloria'y* ang pagtatampisaw.

Ang mḡa halama'y nanḡananariwa
sa patak nḡ ulang hindi nagtitila,
ang aking pagkasing ibig mamayapa
kung ganyang tagula'y nagbabagong diwa.

Walang kailanḡang sa aki'y magtago
ang mukha nḡ araw na di ko makuro,
sa aki'y sukat na ang iya'y maglaho
upang pasayahin ang kimkim kong puso.

Walang kailanḡang sa Sangmaliwanag
ay laging maghari ang dilim at ulap,
ang patak nḡ ulan sa imbi kong palad
ay banḡong masansang na di manḡunḡupas.

Kung may mag-uulat na sa kalanḡitan
ay may unos, baha, at patak nḡ ulan,
ay kunin na ako't hindi mamamanglaw
pagka't masasama sa kawal nḡ banal.

Ang patak nḡ ulan ay awa nḡ lanḡit,
lihim na biyaya sa mḡa ninibig,

laman n̄g panulat sa m̄ga pag-awit,
sariwang bulaklak sa pitak n̄g isip.

Kung ang tan̄ging Musa'y may tampo sa akin
at ayaw sumunod sa aking paggiliw,
ang patak n̄g ula'y sukat ang malasin
upang ang *lira* ko'y sunuyo't sumaliw.

Kung sakasakaling ako'y maging bangkay
at saka ilagak sa isang mapanglaw
na labi n̄g libing... mangyaring ang ula'y
bayaang tumagos sa aking katawán.



II.

PAGSISI.....

PAGSISISI.....

(TULANG MAY ANIM NA BAHAGI.)

- I.—Nasilaw sa dilim.*
- II.—Ang hamak na palad.*
- III.—Gayon man, gayon ma'y...*
- IV.—Ang panghihinayang...*
- V.—Kung ikaw'y binata...*
- VI.—Sa abó babanḡon...*

¡PAGSISISI.....!

Sa iyo...

Nasilaw sa dilim...

I.

Anang m̃ga tao: *Ang m̃ga makata'y*
Sadyang isinilang upang magsiluha.
Nang una'y ayokong dito'y maniwala
Subali't sa ñgayo'y nakita kong tama.

Ang luha ñg tao ay may m̃ga dahil,
May luhang nagmula sa pagkahilahil,
May sa pagkaapi sa isang giniliw,
May sa pagkalayo sa inang butihin.

Ang luha ñg aking nagsisising puso
Ay hindi nanggaling sa pagkasiphayo,
Ni sa pagkaapi ñg aking pagsuyo,
Ni sa pagkagahis ñg isang palalo.

Ang luha ko'y buhat sa di pagkataya
Na ang tao'y mayrong *balon* ñg parusa,
Ang pagsisisi ko ay bumabalisa't
Bumawi sa akin ñg aking ligaya.

Talagang ang tao'y sadyang walang tigil,
Namali nang minsa'y ibig pang ulitin,
Ang tanaw sa *mun*do'y *mundong* walang lihim
At sa *Dios* ay *Dios* na di matandain.

Ang mundo n̄ga nama'y batbat n̄g paraya't
Nagkalat ang silo sa balat n̄g lupa,
Dito kung mayron mang sampagang dakila
Ay may tinik namang pamutol n̄g nasa.

Ang pagkamasakin sa bangō at puri
Ang isinasama n̄g lalong mabuti,
Ang pagtinging labis sa pagsintang iwi'y
Siyang pagkabagsak n̄g isang lalaki.

Oh! *bangong* pangarap n̄g uhaw na puso!
Oh! *puring* nagbuwal sa lalong maamo!
Kayo ang *berdugong* may bihis-pagsuyo
N̄guni't iyang loob ay pagkasiphayo.

Ang sabik sa bangō n̄g isang sampaga't
Ang uhaw sa puri n̄g isang dalaga'y
Siyang sumusunog sa kanyang pagasa't
Siyang nagsasabog niyong m̄ga Troya.

Dakilang bulaklak: Ako'y naniwala
Na ang nagawa ko'y kahiban̄gang pawa,
N̄gayon ko natantong *birhen* kang dakila,
May wagas kang puso't banal na akala.

Ako'y naririto't pinagsisisihan
Ang aking nagawang m̄ga kasalanan,
Aking babaunin hanggang sa libingan
Ang hinanakit mo't magagandang aral.

Talagang nalisya ang aking pangarap,
Puso ko'y inabot n̄g bagyo sa dagat,
Ano't ikaw pa n̄ga yaong binagabag
Gayong ikaw'y isang *anghel* na mapalad?

Pawiin sa puso ang m̃ga nangyari
At iyong alaming may bangō ka't puri,
Samantalang gayon, ako'y nagsisisi
At binabawi ko ang m̃ga sinabi.

Ñguni't isang tanong: ¿Kaya ang patawad
Sa namaling puso ay iyong igawad?
Ang m̃ga *luha* ko'y siyang ihuhugas
Sa napaligaw ko't nagsisising palad.

Ang hamak na palad...

II.

Aywan ko kung ikaw'y magtaglay pang awa
sa nagsisi ko nang lakad at akala,
aywan ko kung ikaw'y kulang pang tiwala
sa m̃ga nasayang at natak kong *luha*.

Kung natatalos mo ang luhang nasayang
sa mata ko't pusong laging naglalamay,
sana'y nasabi mong mayrong katunayan
ang dinaranas kong m̃ga kahirapan.

Ang hinanakit mo, sumbat at paglait
ay pawang nakintal sa dila ko't isip,
at ang ating lihim sa silong ñg langit
ay siyang sa aki'y nakakaligalig.

Pinag-aralan kong ikaw'y kausapin
nang upang ihayag ang buo kong lihim,
lihim ñg sa wari'y nagbigay hilahil
sa napakabatang puso mo't paggiliw.

Ang pagtatapat ko'y di mo minarapat
ang kawikaan mo, ako'y isang hamak,
ang naging ganti mo sa aking paglingap
ay isang *libingan* at *kurus* ng hirap.

Ang hamak nga nama'y hindi naayos
umibig sa isang Reyna ng Kampupot,
ang *hamak* na palad ay dapat umirog
sa kaisa niyang *hamak* di't *busabos*.

¿Maaari kayang ang isang *granada'y*
mahulog sa di gusto ng *princesa*?
¿maaari kayang ang isang sampaga'y
makuha at sukat ng taong bala na?

Kay laki ng agwat ng palad ta't uri,
ikaw'y isang langit na kahilihili
at ako ay isang hamak na pusali,
ikaw ay sariwa at ako'y unsyami.

Ang panghihinayang ang siyang nagtulak
na kita'y mahalín ng buo kong palad.
Ang panghihinayang ang siyang nagatas
na kita'y itala sa aking pangarap.

Kung ikaw sa akin ay walang hinayang
sa aki'y sayang ka at sayang na tunay,
sabihin na akong kasakimsakiman
at ikaw sa iba'y di mapapayagan.

Lalo pang mabuting kanin ka ng lupa
kay sa mahulog ka sa ibang binata,
¿Iba pa ang iyong bibigyang biyaya
gayong ako'y uhaw sa iyong kalinga...?

Ipinipilit mong tayo'y pupulaan
kung sa lihim nati'y mayrong makamalay,
lat sinong pangahas ang pagsasabihan
nitong ating lihim sa sangkatauhan?

Ako'y nagsisisi't nabigyang bagabag
na naman ang iyong tahimik na palad,
kundang'a'y ang iyong bangong walang kupas
sa pagiisa ko'y siyang nasasagap!

Sa kahilingan mo, kita'y lilimutin
kahit nalalaban sa aking damdamin,
nguni't ang samo ko'y iyong idalangin
ang papanaw ko nang ulilang paggiliw.

Gayon man, gayon ma'y...

III.

Kung may kasayahan ang tao sa lupa
naman ay mayron ding pagkabigo't luha.
Kaya nga't ang tao, sa aking akala
ay laruan lamang ng kanyang tadhana.

Yamang walang taong likas na mabuti't
walang nangamaling hindi nangagsisi.
Sa ikasisiya ng iyong sarili'y
itatakwil ko na ang aking pagkasi.

Lulunurin ko na sa hukay ng puso
ang aking yayaong nasawing pagsuyo,
ipagluluksa ko ang pagkasiphayo
ng aking pag-ibig na di mo inako.

Pag-aaralan kong lumanḡoy sa dagat
na puno nḡ aking sariling bagabag,
pag-aaralan kong lumaban sa hirap
yamang siyang takda nḡ buhay ko't palad.

Aking natatantong walang pagkasayang
sa iyo ang aking maralitang buhay,
sa iyo'y ligaya ang aking pagpanaw,
sa iyo'y lwalhati ang *kurus* ko't *hukay*.

Kung ikaw ay walang hinayang sa aki't
wala pang hinayang sa aking paggiliw,
ay iyong asahang aking sasapitin
ang ninanasa mong balón nḡ hilahil.

¿Di mo nalalamang itong umi-ibig
sa lahat nḡ bagay ay di nanḡanḡanib,
ang kamatayan ma'y kanyang malalait
kundi na makaya ang taglay na hapis?

Gayon man, gayon ma'y hindi masisira
sa akin ang iyong hiling at pithaya,
gaya nḡ hiling mo, ako'y magkukusang
maghandog nḡ iyong ikapapayapa.

Nḡuni't manumbalik kaya ang paglingḡap
sa aking namali't nagsising pangarap?
¿manumbalik kaya at hindi kumupas
ang iyong pagtingḡin sa imbi kong palad?

Iyan ang isa pang di ko ikatulog
gayong nagsisi na ang aking pagirog,
iyan ang sa aki'y nagbibigay takot,
iyan ang sa nḡayo'y di ko mapag-abot.

Hinuhulaan kong ang iyong paglingap
ay magbabago na sa imbi kong palad,
ang kawikaan mo'y ang isang nabasag
mabuo ma'y mayrong natitirang lamat.

Sa isang gawi n̄ga'y may katotohanan
kung ganyan ang iyong magiging isipan,
n̄guni't alamin mong malinis na tunay
ang isang maruming nagbago n̄g buhay.

Magpahangga n̄gayo'y iyong mawiwika
na ikaw'y akin pang *sinisintang kusa*,
magiging totoo ang iyong hinala
kung ang puso'y muling hagkan n̄g paghanga.

Kung muling gumiit ang panghihinayang
ikaw ay muli kong sisintahing tunay,
ang isa pa'y iyo namang nalalamang
ang *pagsisisi* ko'y *pagbibigay* lamang!

Ang panghihinayang...

IV.

May ilang araw nang ako'y kalung kalong
n̄g bisig n̄g dusa't kamay n̄g linggatong
may ilang araw nang sa mata'y nanalong
ang pait n̄g luhan usbong n̄g paglungoy.

Nakikita mo mang ako'y tumatawa
nama'y tawang pilit at busog sa dusa,
di lahat n̄g n̄giti'y lagda n̄g ligaya,
may n̄giting singpait n̄g luha't parusa.

Ang nakakatulad nitong aking buhay
ay mundong ulila sa sikat ng araw,
katulad ko'y isang *prinsipeng* mayaman
na uhaw at salat sa aliw at layaw.

Upang pumanatag ang aking pagluha'y
aking kailangan ang lingap mo't awa,
awang magbibigay ng yutang biyaya,
awang sa lungkot ko'y tanging papayapa.

Nasabi ko na ngang nagsisi ang buhay
sa nais na kita'y mapagbigyan lamang,
kung susunurin ko itong kalagaya'y
di ka malilimot hanggang kamatayan.

¿Paano ang aking gagawing paglimot
sa iyong ang bangô'y higit sa kampupot?
Sa ganda ng iyong dibdib, baywang, batok,
ay sinong banal pa ang hindi ürog?

¿Sa puti ng iyong kamay na nilalik,
sa mga labi mong may pulot at init,
sa mga paa mo't binting makikinis
ay sinong pihikan ang hindi iibig?

Kung sinusukat ko ang ganda mong ari,
puso ko'y ninibok at nananaghili,
aking nasasabing *Talo ko ang Hari*
kung ako ang iyong mamahál na taní!

Ang panghihinayang ang siyang sa aking
puso'y bumabayo't sumusupilsupil,
kung ikaw'y bigla ko't buong makakai'y
kinain na kita nang ikaw'y malihim.

Huwag mong sabihin na ako'y gahaman
kung kagahaman n̄ga ang layon ko't pakay,
para ko sabihin ang katotohana'y
walang taong hindi may *imbot* sa buhay...

Sakaling sa aki'y ayaw kang manalig
ang lahat n̄g sumbat sa aki'y ikapit,
ang m̄ga sumbat mo nama'y itititik
sa dahon n̄g aking lagás na pagibig.

Ikaw'y maniniwalang ang aking pagasa
sa iyo, kaylan ma'y hindi magbabawa,
sa iyo sisikat ang isang umaga
na dala ang aking magiging ligaya.

Kung walang tiwala sa aking pangako'y
saksi ang halik kong iyong itinago.
halik na sa iyong pisin̄ging maamo'y
nakintal na tanda n̄g aking pagsuyo.

Kung kulang ka pa ring tiwala sa buhay,
ako'y magtitiis sa kapighatian,
magtitiis ako, kahit nalalamang
ang *lungkot* n̄g tao'y isang *karamdaman*.

Kung ikaw'y binaṭa...

V.

Gaya nang hula ko: ikaw'y untiunting
nalayo sa aki't nagtatampong wari,
ikaw'y umilap at nabibighaning
ako'y pakanin mo n̄g dusa't aglahi.

Panibagong lungkot na naman ang aking
naragdag sa iyong pihikang damdamin,
talaga na yatang ang aking paggiliw
ay di matutubos sa *sala't hilahil*.

Ninana is ko nang ako'y makaguhit
n̄g bagong palad kong walang bahid dun̄gis
ay kung bakit ako'y lalong nabibin̄git
sa pagkakasala at ikatatan̄gis...!

Hanggang nagiin̄gat itong kabuhaya'y
lalong nabubulid sa kapighatian,
hanggang ninana is yaong kalinisa'y
lalong dumurun̄gis itong kapalaran...

Hindi ko maalaman itong nangyayari
sa kabuhayan kong bihag mong parati,
ang Aklat n̄g aking tunay na Pagkasi'y
puno na n̄g aking m̄ga pagsisisi.

Aking nalalamang hindi makukuha
n̄g pagsisisi ko itong m̄ga sala,
n̄guni't bayaan mong ang aking pag-asa'y
mag-abang sa iyo, n̄g awa't ligaya.

Kung ikaw'y hindi ko makatkat sa diwa'y
sapagka't *lunas* ka sa aking pagluha,
ikaw sa *lungkot* ko'y kamay n̄g biyaya,
ikaw sa *uhaw* ko'y hamog na mabisa.

Para ka mawaglit sa aking isipa'y
kailan̄gan ko pa ang isang libin̄gan,
at para matubos ang aking kundima'y
magbalik ka muna sa pinanggalingan.

Gaya n̄g alam mo: kita'y iniibig
n̄g isang pagsintang singlawak n̄g langit
n̄guni... ano't ikaw'y tila nahahapis
sa pagmamahal kong wagas at malinis?

¿Nalulungkot ka ba? Di ko akalaing
iyong ikalungkot ang aking paggiliw,
di ko inasahang *dun̄gis* na ituring
ang pagmamahal kong may wastong layunin.

¿At kung ikaw kaya ang naging lalaki't
ako ang pinalad na maging babae,
kung hinahamak ko ang iyong pagkasi
ay ilang puso mo ang di maruhagi?

Sana'y nalaman mo, kung ikaw'y binata
ang hira sa mundo nang lumuhaluha,
sana'y natalos mong ang lalong dakila
ay nagiging taksil sa laki n̄g nasa.

Huwag kang malungkot! Busugin sa layaw
ang uhaw sa iyong aking kabuhayan,
sa m̄ga labi mo, ako'y nauuhaw,
sa m̄ga pisngi mo, ako'y mabubuhay.

Kung marun̄gis ka n̄g aking pagibig
ay pagibig ko rin ang siyang lilinis,
at kung nahawa ka sa taglay kong hapis,
hapis mo't hapis ko ay magiging langit.

Sa abo babangon...

VI.

Sa huli'y natumpak itong aking puso't
natutong tumupad sa aral mo't samo
titiisin ko nang ang aking pagsuyo'y
malibing sa hukay n̄ pagkasiphayo.

N̄gayon ko nalamang ang aking landasi'y
singdilim n̄ iyong tinamong damdamin,
n̄gayon ko natalos na ako'y sinupil
n̄ matinding udyok n̄ isang pagg̃hiw.

Yamang sumikat na sa puso ko't isip
ang kaliwanagang bumihis sa hapis,
ay masasabi kong ang aking pagibig
ay handang lumagak sa pananahimik.

Magmula sa n̄gayon, kita'y igagalang
sa n̄galan n̄ ating pagkakapatiran,
kinikilala ko itong kamalian
na siyang naglagpak sa aking pangalan.

Ituring sa wala ang m̄ga nangyari't
iguhit sa tubig ang m̄ga nasabi,
ang laki at alab n̄ aking pagkasi,
n̄gayo'y gawing abó nitong pagsisisi.

Hindi pagkan̄galay n̄ aking panitik
ang naging dahilan n̄ pananahimik,
kung hindi sa nasang huwag maligalig
ikaw pa n̄ aking bulag na pagibig.

Napagaralan kong ikaw'y isang talang
kakambal n̄ aking damdamin at diwa,
aking natutuhang tumpak n̄ga at tama
ang m̄ga aral mong mahalagang pawa.

Ang m̃ga lungkot mo ay aking damdamin
at ang damdaming ko ay damdamin mo rin,
ang *akin* ay *iyo't* ang *iyo* ay *akin*
at tayong dalawa'y may isang layunin.

Huwag nang ituring na ako'y kalaban
pagka't nagbago na ang aking isipan,
ang puso ko ñgayon ay naliwanagan
sa kislap ñg iyong mahalagang aral.

Dapat nang lumaki ang iyong pagasa
sa pagliliwayway, ñg bagong umaga,
ang daan mo ñgayo'y puno ñg sampaga't
ang daan ko'y puno ñg tinik at dusa.

Magkakahiwalay itong ating palad
na gaya ñg Dilim at Haring Liwanag,
ikaw'y magtatago't... sa pamamanaag
at may ibayo kang gayuma't pangarap.

Samantalang ako'y tañging magtatago,
sa utos sa akin ñg Hukóm na Puso,
sa pagliliwayway ay talang malabo
ang makakatulad ñg aking pagsuyo.

Napakapait man sa aking pagibig,
kita'y iwawalay sa pitak ñg isip,
sa abo ñg aking papanaw na awit
ay babañgon itong buhay kong malinis.

Kung walang tiwala sa aking sinabi'y
saksi ko ang bagu't bagong mangyayari,
kung muling malisya ang aking pagkasi'y
tugunin ñg *sumpa* itong pagsisisi.



III.

ALBUM NG DALAGA...

HANDOG:

Kay Bb. Concepcion T. Garcia.

San Nikolas, Maynila.

Album ng Dalaga...

I.

Simula.

La princesita está bella.

Ruben Darío.

Ipahintulot mo, dalagang mayumi,
Na ilarawan ko ang ganda mong ari,
Ipahintulot mong awitin kong lagi
Ang kagandahan mong makahibang-pari.

Bulaan ang madlang balitang *Prinsesa*
Kung sa ganda mo nãa'y makahihigit pa,
At para sa akin, ikaw'y siyang *Reyna*
Nã mãa kapwa mong masamyong sampaga.

Ang kaharian mo'y iyang kagandahan,
Ang mãa buhok mo't matang mapupungay,
Ang paa't pisinã mo ay siya mong yaman.

Sa dalang ugali, ikaw'y isang virgen,
Kamia ka sa bangô't pagkabutihin,
Sa hinhi'y sampaga't sa ganda'y... tulain.

II.

Ang mga buhok mo...

*Tu pelo es una
nuve del Oriente.*

Salvador Rueda.

Ang mãa buhok mo'y mahahabang ahas
Kung nakasalalay sa iyong balikat,
Mãa ulang waring di lupa ang hanap
Kundi sampagitang humahalimuyak.

Sa itim ay gabing walang buwa't tala,
Sa haba ay halos humalik sa lupa,
Sa lago'y halamang malago't sariwa,
Sa sinsi'y masinsin at nakahahang'a.

Naging katulad ka niyong Penelopeng
may timtimang pusong miminsang kumasi't
Ang naging aliwa'y luha't paghahabi.

Sa haba ng iyong buhok nakilala
Ang kadalisayan ng pagkadalaga
At ang kahabaan ng isang pag-asa.

III.

Ang mga mata mo...

Cantar quise tus ojos.

Campoamor.

Nang ikaw ay bago sumipot sa lupa'y
Ipinanghiram ka ng mata sa tala,
Dalawang bituing sa hinhi'y sagana
Ang naging mata mong mayaman sa awa.

Sa mga mata mo'y aking nasisilip
Ang bughaw na pilas ng nunungong langit,
Mababaw na dagat ang nasa sa gilid
Na ang naglalayag ay pusong malinis.

Di ayos matalim, ni hugis matapang,
Ni hindi maliit, ni di kalakihan,
Ang mga mata mo'y maamo't mapungay.

Kahinhina't amo ang nanganganinag,
Kalinisa't puri ang namamanaag,
Umaga ang laging handog mo sa palad.

IV.

Ang mga pisngi mo.*Naciente luz te corona.***Espronceda.**

Ang lahat nṅ buti'y natipon na yata
Sa kabataan mong ilag sa paraya,
Pati nṅ pisngi mong pisngi niyong saga
Ay nakahihibang at nakahahang.

Ang mṅa pisngi mo'y malambot, maamo,
Mayumi, manipis at hindi palalo,
Ang sangahang ugat kahit humahalo,
Ay papapabadha't... di makapagtago.

Kung ikaw'y hindi ko dating kakilala
Ako'y mamamangha kung aking makita
Ang mṅa pisngi mong wari'y gumamela.

Naiinggit ako sa paminsanminsang
Sa dampi nṅ hangging walang-walang malay,
Paano'y kanyang-kanya ang lahat nṅ bagay..!

V.

Ang mga labi mo.*Los labios del arcangel
en sus labios...***Menendez Pelayo.**

Ang mṅa labi mo ay dalawang langit,
Langit na di bughaw, ni langit nṅ hapis,
Labi nṅ bulaklak na kapwa ninibig
Labing mababangō, sariwa't malinis.

Labi n̄g sampagang may pait at awa,
 Tipunan n̄g pulót, tamis at biyaya,
 Sisidlang ang lama'y kaban̄ghang pawa,
 Pook na tipanan n̄g hamog at diwa.

Tagapamalita n̄g lihim n̄g puso,
 May oo at *hindi*, may *tutol* at *samo*,
 May buhay at palad, may tula't pagsuyo.

Ang m̄ga labi mo'y may pulót na tan̄gi
 Kung iyan ang aking pagkaing palagi'y
 Talo ko ang lahat, talo ko ang Hari.

VI.

Ang mga kamay mo.

*Pudiera yo tu mano de azucena
 Besarlo una vez...!*

Heine.

Aywan kung mayron pang hihigit sa kinis
 Sa m̄ga kamay mong biluga't nilalik,
 Garing na mistula sa puti at linis,
 Sa lambot ay bulak, sa ganda'y pagibig.

Ang m̄ga daliring yaman mo't biyaya
 Ay di hugis tikin, ni hubog kandila,
 Ang ayos at hugis ay bagay at tama
 Sa sutla mong palad na laman n̄g diwa.

Ang makakandong mo't maaalagaan,
 Ang mahahaplos mo't mahihiranghirang,
 Ang kahit patay na'y muling mabubuhay.

Mahagkan ko lamang ang iyong daliri,
 Sa kapwa makata, ako'y matatan̄gi
 At marahil ako'y isa na ring Hari.

VII.

¡Ang mga paa mo..!

*Tus pequeños pies
Son tropos*

Para mis piropos.

Machado.

Tagpan ma't ipikit ang mġa mata ko
Ay naguguhit din ang mġa paá mo,
Paang mapuputing nakababalino
Sa isip at buhay nġ payapang tao.

Paáng makikinis at makaulul-palad,
Ang hubog ay bagay sa laki mo't sukat,
Ang mġa sakong mo'y may pulang banayad,
Ang mġa paá mo'y singlambot nġ bulak.

Parang mġa paá nġ nababalitang
Cleopatra at Leda nġ panahong luma,
Paano'y mġa paáng sa ganda'y bihira.

Naiingit ako sa bawa't yapaka't
siyang nagsasawa sa paá mong hirang,
¿Ano't di pa ako ang maging tuntunġan?

VIII.

Wakas...

*Tu dulce, tan bella,
tan tierna, tan pura.*

J. de Dios Peza.

Talagang natipon ang lahat nġ buti
Sa kabataan mong di pa kumakasi,

Ang lahat nã yaman nã isang babae
Ay nasa sa iyong sariwang parati.

Nasa sa iyo nã ang lahat nã bagay,
Ang bangô, ang tamis, ang kasariwaan,
Ang yumi, ang awit, ang uri, ang kulay
Ang hamog, ang sinag, ang tuwa't ang buhay.

Ikaw'y pagpapain, dalagang mapalad,
Ang kagandahan mo'y aking ikakalat
Sa silong nã langit, sa Sangmaliwanag.

Kung may naghahanap sa buwang liwayway
Sa kabataan mo ay matatagpuan,
iDi ko malilimot ang ganda mong iyan!



ANG PANYO...

I.

Pamahid n̄g luha kung ginigiyagis
n̄g masidhing panglaw,
pamawi n̄g luhang sadyang tumitigis
sa pusong luhaan,
isáng kasangkapang ipinananakíp
sa mukhang may lumbay,
isáng mahiwagang tagapaghiwatig
n̄g lihim na saklaw
n̄g pusong sapupo n̄g isáng pag-ibig
sa gitna n̄g buhay.

II.

Panakíp sa bibig kung may simpang hiya
sa kinákaharáp,
isáng kagamitáng kung walang tiwala'y
pangbalot n̄g sulat,
at páunang saksing minsang lumilikha
n̄g lúbusang galák,
na mandi'y nánabi n̄g masuyong wikang
tugon sa pangarap:—
*Sa inyong ibiga'y ang unang magdaya'y
panḡanḡanlang sukáb..*

III.

Isáng kasangkapang ang nagkakalayo'y
pinapaglalapít
kung binabalaan at sinisiphayo
n̄g isáng may galit;
tagapamalitang may giliw at suyo
kung naghihiwatig
sa nagkakalayo't nagtitipáng puso
dahil sa pag-ibig.

.

Iyán ang halagá at bisa nã panyo
sa silong nã Lanãit.

IV.

Ang panyo'y pamahid sa luhaáng matá
nã lahát at lahát,
ang panyó ay piping nakapagbabadya
nã bawa't máhanãád,
ang lahát nã galáw na inyong makita'y
may lihim na sangkap,
katugón nã mithi nã mãa ninintang
hindi magkáusap;
may lihim na uring kalakip ang dusa
at maging nã galák

V.

Ang panyong idampi sa labi, sa bibíg,
ay may kahulugáng:—
kitá'y sinisinta, kitá'y iniibig
hanggang sa libinãan;
at sakasakaling sa matá ipahid:—
ako'y namamanglaw
kung di ka makita, kung di ka masilip
nã dusta kong buhay;
at sakasakaling ihaplos sa dibdib:—
ako'y mamamatáy.

VI.

May tanãing halagá at tagláy na galíng
ang lahat nã panyo,
kaya't minimithing halos na agawin
nã mãa nunuyo,
minsang magpatiboók sa mãa damdaming
patáy sa pagsamo,
malimit lumikha nã isang paggiliw
at pamimintuho't
madalas tumubos sa piping pagdaing
nã luhaáng puso.

¡Ang Pamaypay!

Ang lahat at lahat sa Sangkatauhan
ay may kanya-kanyang uri't kalagayan,
may ibig sabihin ang lahat ng bagay
na abot ó hindi ng damdam at malay,
ang panyo'y may lihim sa nagiibigan
gaya ng bulaklak at mga halaman,
itong abaniko'y isang kasangkapang
pangdagdag sa puso ng init at buhay.

Sa Aklat ng Puso't Aklat ng Paggiliw
yaong abaniko'y may ibig sabihin,
may sariling uri't sariling tuntunin
may sariling layon at sariling lihim,
sa Talatinggigan ng mga Damdamin
ang wikang Pamaypay ay tuwa't hilahil,
palad at tagumpay, at kung kukurui'y
taga pamalita niyong bukas natin.

Kalihim ng Puso't Patnubay ng Palad,
ngiti ng liwayway sa likod ng ulap,
sa gitna ng buhay ay isang watawat
na kulay lungtiang pakpak ng pangarap,
sagisag ng hinhin ng mga mapalad,
baluti ng mga babaeng banayad,
kublihan ng mukhang maramot maglagak
ng masayang ngiting yaman ng panulat.

Isang kasangkapang gamit ng babae
at kung magkaminsa'y pati ng lalaki,
bibig na malayang nakapagsasabi
ng oo at hindi ng sama at buti,
isang kasangkapang sa nagsisikasi'y
papel at panulat, gayuma't buhawi,
sangla ng pag-ibig, na namamayani
sa lahat ng pusong bihag na parati.

Ang bawa't ikilos nṅ isang pamaypay
 ay may isang wika, uri't kahulugan,
 parang isang aklat na nagsasalaysay
 nṅ hirap at tuwa, nṅ aliw at panglaw;
 kung iyong dalasin ang mṅa paggalaw
 ang ibig sabihin: *Kita'y minamahal;*
 kung biglang isara: *Ako'y nasusuklam,*
huwag nang lumapit at nang di magdamdam.

Yaong abanikong idampi sa labi,
 ang ibig sabihi'y *Ikaw ang lwalhati,*
 kung minsang itago'y *Hindi maaari*
ang iyong pagkasi't ang sa pusong susi'y
hawak na nṅ isang pangarap kong lagi,
 at kung pisil-pisil nṅ mṅa daliri'y:
inaantay kita't ang ama kong Hari'y
wala at sa monte'y nagbabakasakali.

Kung kagat ang borlas—*Ako'y nahahapis*
dahil sa ginawang sa ati'y paglait,
 kung buksang marahan—*Huwag kang manṅanib*
at ang ating ulap ay magiging lanṅit,
 kung buksang pabigla—*Sila'y nagagalit*
dahil sa sulat mong kanilang nalirip,
 kung biglang ilaglag—*Si Kulasa'y buwisit*
at siyang nagsumbong nang tayo'y magniig.

Idampi sa pisnṅi—*Huwág kang matulog*
at sa sine Luna, kami ay papasok,
 idampi sa dibdib—*Ako'y nagseselos*
dahil sa kasamang tila lumuluhog.
 kung biglang ipukol—*Sa iba ibuhos*
ang iyong pagsinta. Ikaw'y pahinuhod!

Itong abaniko'y Dila sa Pag-irog,
 Talatang may dusa, kamanyang, kampupot.



IV.

ANG ALBUM NI INA...

(Ala-ala sa aking inang pumanaw: Rosa San Miguel ni de Leon, tagá Samal, Bataan at ndmatáy sa Tundo, Maynila, noong taong 1902.)

I.

Ang aking Ina.

Gaya rin nã iba, ang ina kong giliw
Ay inang mayumi't lubhang maramdamin,
Inang hindi yuko sa mğa hilahil,
Inang mapagbata at siya kong virgen.

Mayrong isang Diyos na kinikilala,
May isang dakilang pananampalataya,
Sa kanya ang madla'y kulay nã umaga,
Ang galit ay awa't sa poot ay tawa.

Siya ang dakilang Batas sa tahanan,
Kamay na masipag, Kampana nã buhay,
Susi nã pag-ibig na kagalanggalang.

Sa kanya ang lahat ay pawang mabuti,
Ang dukha't mayaman ay kapuripuri
Palibhasa'y inang may puso't pagkasi.

II.

Pag-ibig ni Ina.

Ang puso ni ina'y kaban nã paglingap,
May dalawang tibok na karapat-dapat,
Ang isa'y kay ama, kay amang mapalad
At ang isa nama'y sa amin nalagak.

Noong nabubuhay ang ina kong irog
Ang kanyang pagkasi'y samyo nã kampupot,
Ang lakas nã puso'y parang nag-uutos
Na ako, kaylan ma'y huwag matatakot...

Pagibig ni ina ang siyang yumari
Nã magandang bahay na kahilihili,
At nawag sa palad na katanğitangì.

Timtimang umirog! Hanggang sa libingã'y
Dala ang pagkasing malinis, dalisay,
Dala ang damdaming kabanalbanalan.

III.

Ang halik ni Ina.

Ang mata ni ina'y bukanan n̄g luha
Kung may dala-dalang damdamin at awa,
Ang labi ni ina'y sampagang sariwa
Na may laging laang halik at kalinga.

Sa halik ni Ina ay doon nalagas
Ang tinik at bulo n̄g musmos kong palad,
Sa halik ni ina'y aking napagmalas
Na ako'y *tao* na't dapat makilamas.

Ang bibig ni inang bibig n̄g sampaga'y
Bibig na sinipi kina Clara't Sisa
Kaya't mayrong bisang kahalihalina.

Ang halik n̄g ina'y apoy sa pagsuyo,
Hamog sa bulaklak, Pag-asa sa puso't
Liwanag sa m̄ga isipang malabo.

IV.

Ugali ni Ina.

Kung mamamana ko lamang ang ugali
Ni inang sa aki'y nagpala't nag-ari'y
Marami sa akin ang mananaghili't
Sa aki'y tatang̃a lamang yaong Hari.

Ang asal ni ina'y aklat n̄g pagling̃ap,
Salaming malinaw, bang̃ong walang kupas,
Suhay n̄g mahinhin, sulo n̄g mapalad,
Mundong walang gabi, gabing walang ulap.

Ang salitang damot ay di kakilala,
Ang kamay ay lahad, hanggang nakakaya't
Tang̃ing kayamanan ang pakikisama.
Sa kanya ay Diyos ang m̄ga pulubi,
Ang dukha ay Hari't Kristo ang duhagi,
Iyan ang ugali n̄g ina kong kasi.

V.

Ang awit ni Ina.

Nang buhay si ina't ako'y kilik-kilik
ako'y pinagsawa sa alo at awit,
malaki na ako't may sapat nã isip
ay inaalo pa nang buong pag-ibig.

Ang musmos na patak nã nulo kong luha
sa kanya'y kundima't awiting dakila,
makarinig lamang nã iyak nã bata
sa aki'y lalapit at maguusisa.

Ako'y kakalunģin at ipaghehele,
ang awit-tagalog ay mamamayani
hanggang sa magsawa't ako'y mapabuti.

Ang awit ni ina'y laging yumayakap,
sa mģa awitin nã aking panulat
kaya't ang awit ko'y mayumi't banayad.

VI.

Libingan ni Ina.

Ang buhay nã tao'y parang isang araw
Na kung mayrong bago y mayrong nanģanģalay,
Ang palad ni ina'y di na nakalaban
Kaya't napatalo sa tawag nã hukay.

Ang buhay ni inang inutang sa lupa'y
Sa lupa rin namang nabayad na kusa,
Ang mģa mata kong maramot sa luha
Noo'y naging dagat na kahanģahanģa.

!Wala na si ina! Ang lahat sa amin
Ay nģiti nã dusa't kaway nã hilahil,
Lubog na ang araw na kagiliwgiliw.

Nagtaglay si ina nã dalawang hukay:
Ang isa'y sa lupang sanglaan nã buhay,
Ang isa'y sa aking pusong gumagalang.

VII.

Ang aral ni Ina.

Ang tanġing pamanang sa aki'y naiwan
Ay malaking gusi nġ mayamang aral:

—Anak ko: hanapin iyang karununġan,
Ang dunong ay pilak, ang aklat ay buhay.

—Sa harap nġ bait ay silaw ang lakas,
Sa harap nġ matwid ay yuko ang lahat,
Ang mundo'y niyari nġ paham at pantas,
Ang babae'y tinik nġ isang bulaklak.

—Ang palalong tao'y halakhak nġ hanġin,
Ang aping mabait ay dapat lingapin
At pagkailagan iyang sinunġaling.

—Huwag kakayahin ang hindi mo kaya,
Nang ikaw'y malayo sa pula at tawa,
Umibig sa baya't magpakabait ka''.

VIII.

Bulaklak kay Ina.

Wala na si ina! Gayon ma'y naiwan
sa akin ang kanyang mahalagang aral,
aral na sa ningning ay ningning nġ araw,
aral na sa buti'y palad, diwa't yaman.

Larawang larawan lamang ang nalagak
sa akin nġ siya'y pumanaw at sukat,
larawan ni inang yaman nġ panulat,
larawang kakambal nġ aking pangarap.

Darakilang ina: ang iyong libinġa'y
sinasabugan ko nġ tala't kundiman,
nġ awit na siyang bulaklak nġ buhay.

Sa harap nġ iyong larawang dakila
ay may nagniningas na isang kandila
panulat nġ iyong anak na naluha.

MGA PAPURI'T PARANĀAL
SĀ KUMATHA NITO



Pagkatapos tunghayan...

Sa makatang

Pascual de León

Bulaklak, bulaklak, bulaklak sa bunġad,
Bulaklak sa 'gitna't sa dulo'y bulaklak,
Ito'y halamanang mayaman sa lahat,
Mayaman sa tamís, sa tuwa't pangarap.

Sa mġa talulot nito'y sumusunġaw
Ang diwa nġ isang apó ni Baltazar,
At sa mġa dahong sariwa't makulay
Ay napapatitik ang kanyang tagumpáy.

Malungkot kung minsan, kung minsa'y masayá,
Nġuni't kadalasa'y uhaw sa pag-asa;
Sa hanġad ay labis, at labis sa kaya;
Subali't sa tuwa'y ulilang-ulila.

Makatang Pasleo: Ang aking *Bulaklak*
Ay narito't handog sa una mong aklát.

BENIGNO R. RAMOS (*Ben Ruben*)

Bulakan, Bul., 1915.

Ramo de Laurel

*Para el poeta vernacular,
Pascual de Leon.*

Para tu jóven frente de tagalo poeta,
De poeta que entona sus versos de pasión,
Ofrezco una corona de flores de violeta
Y entónate mi lira su mágica canción.

Es tu canto armonioso inspiración de ondinas,
Es tu verbo potente como el brillo del sol,
Y tus musas son todas dalagas filipinas
Que habitan en las ondas azules del pansol.

Tu lira multiforme con sus cuerdas de oro
Tiene cantos dolientes, tiene ayes de lloro,
Tiene dulces lamentos y suspiros de miel.

Tiene versos de rosa que disipan tristezas
De las bellas morenas filipinas princesas
Que te ofrecen sonrientes un *ramo de laurel*.

Octavio C. Madrid.

Septiembre 18, 1915.

PANUOB...

*Sa katotong makatang
Pascual de Leon.*

Hayan ang makata. Haya't umaawit
n̄g m̄ga kundimang pang-lupa't pang-langit,
hawak ang kudyaping malambing ang tinig
at pinangsasaliw sa ligaya't sakit.

¿Kung siya ay sino? Iyan ang makatang
ang tula't tulain ay matalinghaga,
m̄ga lungkot, dusa, daing, hrap, luha,
Galit, sumpa't lambing ang puso at diwa.

Ang kanyang tulai'y sing-lambot, sing.linaw
n̄g tubig sa wawa, sa sapa't batisang
Balana'y suminsim sa tamis na taglāy.

Hayan ang makata. Kayó ang magsabi
Kundi siya'y dapat na *Dan̄gal at Puri*
at maging *putong* pa n̄g Wikang sarili.

HERMÓGENES T. REYES.
(*Sa Ilaw at Panitik*)

Tundó, Set., 1915.

¡Bulalakaw...!

Sa Katotong

Pascual de Leon.

Sa harap n̄g iyong magarang pagsikat
ay pinaglaho mo ang aking liwanag.
Araw kang nagbangon sa himlayang palad
at kinasilawan n̄g aking banaag.

Sa langit mo, ako ay balangaw lamang,
sa ilaw mo, akó ang aninong tunay...
Diwa mo sa aking diwa ay isilay
at aawitin ko ang iyong pangalan.

Tulóy!... Hanggang ako'y di pa nagsasawang
umawit sa lihim n̄g m̄ga hiwaga,
ako'y kasama mong hahanap n̄g pala.

Sa iyong hantungang langit n̄g pagasa
ay doón nároon ang m̄ga sampaga...
Pupulin mo't yao'y sa WIKA mong mana!

CIRIO H. PAÑGANIBAN.

(Sa Ilaw at Panitik)

Bukawe, Bul., 1915.

✻ ✻ ✻


Mga mali sa pagkakalimbag


Nababasa	Dapat basahin	Dahon
Iuwalhati	<i>Iwahati</i>	10
mayroong	<i>mayrong</i>	12
liyaga	<i>ligaya</i>	15
hangtungan	<i>hantungan</i>	15
kalika't	<i>halika't</i>	16
magalak	<i>malagak</i>	19
Sukat na sinta!	<i>Sukat na nga sinta!</i>	21
sigaw	<i>sigwa</i>	51
maamo	<i>maamo</i>	67
virgen	<i>birhen</i>	75
pagkabutihin	<i>sa pagkabutihin</i>	75
nube	<i>nube</i>	75
Paano	<i>Pano</i>	77
Besarlo	<i>Besar solo</i>	78
Tagpan	<i>Takpan</i>	79
Naiingit	<i>Naiinggit</i>	79
Paano'y	<i>Pano'y</i>	79
Tu dulce	<i>Tan dulce</i>	79
magpatibook	<i>magpatibok</i>	82
nagbabakasakali	<i>nagbakasakali</i>	84

*Basahin ang **Martir del Golgota**, isang mainam na aklat na nahahati sa dalawang tomo.*

Ipinagbibili sa lahat ng Aklatan.







"IDEAL STUDIO"

CARLOS DIZON, May-ari.

Daang Salcedo, blg. 508, Sta. Cruz, Maynila.

Dito'y naglalarawan araw-araw at maging sa gabi, kung kinakailangan nṅ kahi't sino.

Ang peinadora rito ay nakagagawa nṅ iba't ibang hugis nṅ pusód, palibhasa'y sanáy at pili.

Ang IDEAL STUDIO, dahil sa kainaman at kalinisan nṅ kanyang mṅa kuhang larawan ay nagtamó nṅ TANGING GANTING-PALA na MEDALYANG GINTO sa tanghalang Pangkalahatán nṅ Pilipinas noong 1914.

Chineleria "KATIPIRAN"

NI

SOLEDAD R. balo ni PANGAN

Daang Tabora, blg. 796, Tundó, Maynila.

Ang mṅa yari ritong sinelas. kotso, sapatilya at iba pa, ay pawang matitibay at magagandá. Gayon man, ang mṅa ito'y ipinagbibili sa murang halagá lamang.

Subukan at nang kayo'y maniwala.

MANUEL DE LEOS

SASTRE

Ex-Primer Cortador de "White House"

Juan Luna No. 474, Binondo, Manila.

Tel. 3157, Binondo.

ATENCION SEÑORES

TRAJES PARA PASCUAS.

Ofrece sus servicios al público elegante de Manila y Provincias, garantizando los trabajos de su propio Establecimiento.

Confección de trajes para Caballeros y Militares á precios muy económicos en 8, 12, 24, 36 y 48 horas á satisfacción del interesado.

Abierto todos los días de 7 a. m. á 7 p. m.

Recibe mensualmente telas de la última novedad de Europa y América.

Precios sin igual.

Ternos de Recepcion

Ternos Levita de Vestir desde P80 á P120.

Ternos de Frac desde P80 á P120.

Ternos Esmokin desde P60 á P80.

Sobretodos, Trajes de Lana Inglesas, Trajes Blancos,

Efijapa de Algodón, Efijapa de Seda Blanca y

Cruda, Dril de Algodón, Dril Millionario de

Color y Trajes de Color á Precios Módcos.

Vende Capotes, Sombrillas, Paraguas, Cuellos, Corbatas, Perfumes, Pañolitos, Calcatines, Camisetas y una infinidad de artículos difíciles de enumerar.

Trajes para Pascuas y Año Nuevo.

Se sirve al público por los medios modernos.

UNIVERSITY OF MICHIGAN



3 9015 05183 6891

